



# Synfocity = 951

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

August 22, 2024

## ☐ Lay Leaders' Training

August 19-23, 2024 chhung khan Synod Multipurpose Training Centre (SMTC) buatsaih Lay Leaders Training vawi 227-na chu SMTC-ah neih a ni a. Tun tum training-ah hian Presbytery pariat - Khawthlang, Sakawrhmutuai, Teirei, Tuirini, Tuichangral North, Tuichangral South, Tuipuiral leh Aizawl Hmarchhak Presbytery atangin Kohhran Upa 36 an tel thei a ni.

August 19, 2024 (Thawhtanni) zan khan Training hawna inkhawm neih a ni a, Rev. H. Lalmuanchhana, SMTC Director-in programme a kaihuai a. Upa B. Lalmunliana, SMTC Managing Committee member-in training hawngin thuchah a sawi a, NI. Thelma Lalmingthangi, Bethlehem Vengthlang a zai baw a ni.

Kohhran Upate tana buatsaih thin, Lay Leaders' Training hi kum 1996 atang khan neih tan a ni a, training-ah hian Kohhran enkawl dan leh inrelbawl na lam atana pawimawh chi hrang hrangte bakah Kohhran thlarau lam nun enkawl dan tha te zir ho thin a ni.

August 23, 2024 (Zirtawpni) zan hian Training kharna inkhawm hi neih a ni dawn a. Rev. H. Lalmuanchhana, SMTC Director-in programme a kaihuai ang a, Rev. Dr. K. Lallawmzuala, Executive Secretary-in trainee-te hnenah Certificate semina thuchah a sawi ang.

## ☐ Pastoral Care & Counselling training

August 19-26, 2024 chhung hian Family Guidance & Counselling Centre (FG&CC) buatsaih, 'Pastoral Care & Counselling Training vawi 39-na' chu neih mek a ni a. Bial pariat - Airfield Vengthar bial, Dawrpui bial, Ramthar Veng bial, ITI Veng bial, Ranhlun Vengthar Bial, Zuangtui bial, Tanhril bial leh Bethlehem Venglai bial atangin kohhran aiawh mi 27 an tel thei a ni.

August 19, 2024 (Thawhtanni) zan khan training hawna inkhawm hi Pi Zaii Hall, Synod Conference Centre-ah neih a ni a. Inkhawm hi Rev. Lalsangbera, Resource Person-in a kaihuai a, Rev. Lalthangpuia Fanai, Director-in inlawmna neiin report a pe a, Rev. C. Zoramawia, Senior Executive Secretary-in training programme hi hawngin thuchah a sawi a ni.

Training kharna inkhawm hi August 26, 2024 (Thawhtanni) zanah neih a ni ang a, Rev. Lalthangpuia Fanai, Director, FG&CC-in inkhawm kaihuaiin Rev. R. Vanlalngbaka, Synod Moderator-in Certificate semina thuchah a sawi ang.

FG&CC hian Pastor leh Kohhran hruaitute puala Counselling Training a buatsaih thin bakah Kohhran mal, Bial huap, Presbytery huap leh District khawpuiah te Kristian Chhungkaw Seminar, Campaign leh Counselling Awareness Campaign te a buatsaih thin baw.

## ☐ Campus Ministry

August 16, 2024 (Zirtawpni) chawhnu khan Govt. Chanmari West High School-ah hun an hmang a. He hunah hian Counsellor leh Resource Person Upa Lalnunsiana Khalthang, Chhinga Vengte an kal a, Pathian thu bakah, Zirlaiten nun duhawm zawk an neih theihna atana fuihna thu an sawi baw.

## ☐ Trust

August 19, 2024 (Thawhtanni) khan Muallungthu leh Sateek Pastor Quarters repair leh lungrem tur en felin Pu Lalramenga Royte, J.E. a kal.

## ☐ KTP

August 19, 2024 (Thawhtanni) zan khan Darlawn Branch Evangelical Night hmanpuiin Pu C. Lalkhawngaiha, Asst. Secretary leh Pu Lalrambuatsaiha, Committee member te an kal.

## ☐ Mizoram Christian College

August 20 & 21, 2024 khan MCC B.Com 1st Semester zirlai leh Public Administration 1st Semester zirlaiten chuan 9th Mizoram Legislative Assembly Session chu a hmunah an chhim a, zirtirtuten an telpui a ni.

❑ **Prison Ministry**

◆ August 18, 2024 (Pathianni) khan District Jail, Lungleiah Synod Prison Ministry-in rawngbawlna an nei a, Lunglei Chanmari leh Lunglei Venglai Pastor Bial chhung-Ramthar Kohhran, Farm Veng Kohhran, Lunglawn Kohhran leh Rahsi Veng Kohhranah te SPM Awareness Campaign an nei nghal bawk a ni. He hun hmang hian Rev. Lalmuchhuaka, Director leh Counsellor-te, Pu C. Lalchhanchhuaha, Tv. Lalthansanga Sailo leh Tv. Lalrempuia te an kal a, zaia rawngbawlna neiin NI. Jessica Lalmangaihtluangi a kal ve bawk. Lungleia Synod Prison Ministry Sub-Committee-in an rawngbawlna hi an tawiawm a ni.

◆ August 18, 2024 (Pathianni) chawhma lam khan Central Women's Jail-ah, Synod Prison Ministry-in hun an hmang a. He hunah hian Ex Prison Inmates pathumin, SPM Counsellor-te kaihhruiin rawngbawlna an nei a. Aizawl khawpui pawna District Jail zawng zawngah Prison Ministry Sub-Committee, District Headquarters-a hruaitute ruahman angin hun hman a ni bawk.

◆ August 18, 2024 (Pathianni) khan Diakkawn Kohhran, Kolasib-in Jail-a dah tur lehkhabu, bu 355 SPM kal tlanga an pek chu Synod Prison Ministry Sub-Committee, Kolasib hruaituten District Jail, Kolasib-ah an hlan. Hemi ni vek hian Pi Mimi Lalthansangi lehkhabu ziah, 'Vut aiah Pangpar thi' tih chu District Jail, Lunglei-ah bu hnih hlan a ni bawk. Pi Mimi hian Central Jail, Central Women's Jail, Aizawl District Jail leh Lunglei District Jail-a dah tur copy hnih theuh a pe a ni.

❑ **MSSU**

August 24, 2024 (Inrinni) hian Tlangnuam West Kohhranah Sunday School zirtirtu training neihpui turin Pu Lalmunzauva Tlau, Asst. Coordinator leh MSSU trainer-te, Upa Lalthanchhunga leh Upa H. Lalnghinglova te an kal ang.

❑ **Synod Mission Board**

◆ **January - July, 2024 chhunga Mission Field hrang hranga belhtu thar neih dan hetiang hi a ni:**

S.No	Field	Total
1.	Arunachal & Assam Mission (East)	49
2.	Arunachal & Assam Mission (North)	40
3.	Arunachal & Assam Mission (West)	39
4.	Assam	39
5.	Barak Area	39
6.	Delhi	103
7.	Home Mission North	52
8.	Home Mission South	26
9.	Cachar Tlangram	14
10.	Jharkhand	323
11.	Karbi Anglong	119
12.	Calcutta	659
13.	Lucknow	46
14.	Nepal	115
15.	Odisha	40
16.	Patna	125
17.	Siliguri	57
18.	Tripura	745
19.	Masihi Sangati	2788
20.	Cambodia	12
	<b>Belh khawm</b>	<b>5430</b>

◆ **Nepal Mission Field**

August 17, 2024 (Inrinni) khan belhtu thar pasarih an awm.

◆ **Assam Mission Field**

August 17, 2024 (Pathianni) khan belhtu thar pathum an awm.

◆ **Patna Mission Field**

August 18, 2024 (Pathianni) khan belhtu thar panga an awm.

♦ **Jharkhand Mission Field**

August 18, 2024 (Pathianni) khan belhtu thar pali an awm a, kohhran pawl dang aţangin kan kohhranah mi paruk an rawn inpe bawk.

♦ **Odisha Mission Field**

August 18, 2024 (Pathianni) khan belhtu thar pathum an awm.

♦ **Calcutta Mission Field**

August 18, 2024 (Pathianni) khan belhtu thar pahnih an awm.

♦ **Arunachal & Assam Mission Field (West)**

August 18, 2024 (Pathianni) khan belhtu thar pathum an awm.

♦ **Lucknow Mission Field**

August 18, 2024 (Pathianni) khan belhtu thar pakhat a awm.

♦ **Karbi Anglong Mission Field**

August 18, 2024 (Pathianni) khan belhtu thar pakhat a awm.

♦ **Field Committee**

August 19-29, 2024 chhung hian Guwahati, Dibrugarh, Kharsang leh Pasigath-ah te Field Committee-a tel turin Rev. R. Lalhmingsanga, Board Secretary leh BEC Member-te, Rev. Dr. C. Lalramchhana, Upa Dr. R. Malsawma leh Upa Lalramliana te an kal.

□ **Synod Relief Fund**

Tun hnaia harsatna hrang hrang tawkte hnenah Synod Relief Fund aţangin hetiang hian chhawmdawlna pek a ni.

S.No	Khua/Veng	Pek chhan	Chhungkaw zat	Pek zat
1.	Luangpawm Kohhran lungrem chim siam that nan		₹	50,000/-
2.	Electric Veng	Damlo	1	₹ 10,000/-
3.	Aizawl Venglai	Damlo	1	₹ 10,000/-
4.	Electric Vengthlang	Damlo	1	₹ 10,000/-
5.	Thaidawr	Damlo	1	₹ 10,000/-
6.	Champhai Hospital Veng	Damlo	1	₹ 10,000/-
7.	Champhai Ramthar Veng	Damlo	1	₹ 10,000/-
8.	Samtlang	Damlo	1	₹ 10,000/-
9.	North Lungleng	Damlo	1	₹ 10,000/-
10.	Sihphir Vengthar	Leimin tuar	1	₹ 10,000/-
11.	Hualngohmuna	Damlo	1	₹ 10,000/-
12.	N.E. Khawdungsei	Khawsak harsa	1	₹ 10,000/-
<b>Belh khawm</b>				<b>₹ 1,60,000/-</b>

□ **FM Zoawi - Aizawl & Lunglei : Hruaina Eng Radio Programme**

August 23, 2024 (Zirtawpni) @ 7:30 p.m. :

**Solo** : R. Lalduhawmi - Aw rinna thuk nei ila  
**Zaipawl** : Luangmual Bial Zaipawl - A ropui e  
**Thusawi** : Rev. C. Lalremruata - Lalpa fak  
**Solo** : Ruth CVL Muanpuii - Ka famkim ta  
**Zaipawl** : Tuikual Bial Zaipawl - Ka hmu ta e

□ **Su Samachar Prasaran Programme :**

August 25, 2024 (Pathianni) 5:30 pm. :

**Group/Choir/Solo** : Kawngkharmawii - Yesu Paya Re  
**Group/Choir/Solo** : Zotlang Kohhran Masihi Sangati - Shukriya Tera  
**Sermon** : Rev. P.S. Daniel  
**Group/Choir/Solo** : Lalduhawma - Mere Gunah  
**Group/Choir/Solo** : Venghnuai Kohhran - Milkar Hamm

☐ **Hruaina Eng TV Programme**

- 22.8.2024 (Ningani) 8:30 pm : Thupui zir bing  
 23.8.2024 (Zirtawpni) 5:00 pm : Kristian Naupang Pual  
 24.8.2024 (Inrinni) 5:30 pm : Puitling Sunday School Zirlai  
 25.8.2024 (Pathianni) 8:00 am : Weekly round up  
 5:30 pm : Su Samachar Prasaran  
 26.8.2024 (Thawhtanni) 8:30 pm : Hruaina Eng Luang chhuak

☐ **Moderator leh Executive Secretary-te Programme:**

**Rev. R. Vanlalnghaka : Moderator**

Aug. 24-25, 2024 Kohhran tlawh-Rawpuichhip Bial

**Rev. C. Zoramawia : Senior Executive Secretary**

Aug. 22, 2024 Synod Hmathlir buatsaih Seminar

Aug. 29-31, 2024 Synod house sak en-Guwahati leh Shillong

**Rev. V.L. Luaia Hranleh : Executive Secretary**

Aug. 21-22, 2024 Shillong-North East India Translation Advisory Committee (NEITAC)

Aug. 23-25, 2024 Seminar-Delhi Kohhran

Aug. 27, 2024 Goa

Aug. 28, 2024 Mumbai

Aug. 29-31, 2024 AISSA Meeting, Nagpur

**Rev. Dr. K. Lallawmzuala : Executive Secretary**

Aug. 27, 2024 PBS zir tur interview

Aug. 29-Sept. 2, 2024 Interserve Annual General Meeting, Delhi

**RAWNGBAWLNA HNA RUAK DIL THEIH**

A hnuai tarlan rawngbawl hna hi Mizoram Presbyterian Kohhran hnuai a ruak a. Mizoram Presbyterian Kohhran mi, kum 18-35 inkar, ni 4.10.2024-a kum 18 pum tawh, kum 35 la pumhlum lo, zuk leh hmuam leh ruih theih thila fihlim tan dil theih a ni. Dilna Form leh Tualchung Kohhran Confidential Report Form hi Synod Service Board Office, Aizawl leh Synod Office, Lunglei atangin ni 27.8.2024 (Thawhlehi) atangin lak theih a ni ang. Dilna hi Synod Service Board Office, Aizawl-ah theh luh tur a ni a, dilna form man ₹ 20/- a ni. Dilna form-ah hriat tur pawimawh tarlan a ni.

**SYNOD TRUST HNUAIA THAWK TUR**

Hna hming : Junior Engineer (Contract), Post - 2

Thiamna : BE(Civil) from any recognised University, AMC-a Technical License nei

Hlawh : Synod hnuai J.E. (Contract) hlawh

Dil theih hun chung : Ni 23.9.2024 (Thawhtanni) dar 3 p.m. thleng

Written test hun : Ni 27.9.2024 (Zirtawpni) Dar 10:30 a.m.

Interview hun : Ni 04.10.2024 (Zirtawpni) Dar 10:30 a.m.

Sd/- Rev. C. Zoramawia

Secretary

Synod Service Board

Synod Office; Aizawl

